

號 330.73
941

澄海縣鄉
土韻言

陳冠三題

書

號

函

冊

登錄號

1 冊
86573

重 陽 節 出 版
中 華 民 國 甲 寅 年

甲寅仲秋

雅齡寶貝以及

夢初陳庚題

序

韻言之作所以令童稚便口讀也童稚離襁褓後漸能言語卽漸解土歌此時授以各種韻言不難順口而道且無嗜慾以紛擾其心尤易強識至於鄉土之書尤足令人不賢賢於桑梓之事物不然生斯長斯卽一至近之最瑣最屑者問之尙冥然不知何以責諸遠者大者乎所以少而誦習長則豁然貫通觸類引伸由此達彼舉父母之邦凡山川物產疆界沿革風土人情

具

與夫先賢後進語言文字古往今來無不了然於中不特小子有所裨益卽成人亦無不可以此廣見聞資學問焉此澄海鄉土韻言所由防也胞棣嶧岳其中材頗勤學讀書之外鄉事族事概不干與補弟子員後更勤懇懇手不釋編罷制科後猶一意授徒課餘參考郡邑各誌不少懈中寅清和出此卷以質余前後翻閱嘉其可作家傳而於鄉村童蒙不無小補因思心血所在勿視爲不足重輕之書而必防其散失

非敢藉以問世也爰囑其付劖劂并草數言以
弁其首

澄海蘇北岱山闍然退叟胞
兄舜蘊生氏題於振德學校



序

余自束髮受書已冠嘗與童子塲春風不得意
降志學爲商旋而永執醫業蓋自先王父道予
然經三世醫書而外諸書亦不敢束之高閣雖
不求甚解或亦略知其梗概及科舉旣罷百家
繼出汗牛充棟較之八股時代又寬而遠矣雖
然五洲至大書藉頻繁博學者自能觀之裕如
下此者或忽近而圖遠難乎易乎若夫髫髻年
齡其學必由近而及遠庶得進學之階也前覽
學章有鄉土各科凡在童蒙必由是以誘掖誠
先聖行遠自邇之道焉

嶼品陳君余親誼也成童時卽能披覽郡邑志乘
旣冠潛心舉業甫遊庠而制科罷因而贊辦振
德學校於其梓里可見留心學務克謹克勤其
鄉土諸作均藏於家其最可惜者潮郡鄉土地
理志一書經稟司而未登諸梨棗至余索觀諸
書則曰姑抄成帙俟質將來未敢問世再三愆
息始示是册拜而讀之謂不獨便於童蒙也惟

其裨益於幼穉者功倍豈可不俾之流傳耶爰
爲付匠并爲略舉顛末於簡端

時

中華民國乙卯年古清明日同鄉蘇南蓮陽余鏡
涵拜題



序是書胡爲乎作述也
爲講鄉土之術里建
置本地先賢之祠廟
前人之嘉言懿行迷
也然著述之事明者
能之余何人斯敢易
言哉特不過披閱志

乘隨筆存書於
老成人尙俟折衷於
小子輩或有小補叶
以韻字名曰韻言而
掛一漏萬之譏余知
不免焉手抄成帙冀
核將來因誌數言以
表鄙意

中華民國乙卯年夏
之六月中澣日岱美
山人自叙於烟墩山
東之待峕臥房



凡例

是編悉依邑志其或與潮郡同者不再贅及
是編純用四字爲句爲章蒙計也

是編之述舉地理而歷史格致畧含其中

是編各課附以攷証俾易依據

是編逐課纂述爲振德學校課本稿尙未定
俟質方家

是編分課四十合潮州鄉土韻言一册一百

二十課

統計一百六十課適爲初等學堂四年每週
一點之用

嶧岳陳 澎識



澄海縣鄉土韻言

岱美陳 泐纂



課一 原起

惟吾澄邑。古關望司。沿海鎖鑰。創自明時。徵諸志乘。往事可知。建置沿革。歷歷言之。

關望巡檢司。明洪武二年建於芒尾村。嘉靖四十二年移建南洋。至康熙三十八年缺載。

課二 舊屬

唐虞南交。三代揚裔。秦漢揭陽。海陽晉置。

宋亦揭陽。元海揭地。建乎有明。始制縣治。

唐虞時南交。三代揚州之南。齊秦南海郡之揭陽縣。漢三國揭陽縣。晉咸和六年。析置海陽縣。先屬東官郡。後屬義安郡。宋齊梁陳隋唐五代因之。宋宣和六年。析海陽置揭陽縣。元海陽揭陽二縣。明成化四年。既析海陽置饒平。嘉靖四十三年。復析海陽上中下三都。揭陽鮑蓬鱣三都。饒平蘇灣一都。置澄海縣。

課三 沿革

鮑古揭陽。有明始置。上中下都。原海陽地。鮑浦鱣蓬。揭陽舊治。厥惟蘇灣。由饒析隸。

課四 遷復

康熙初年。邊海寇多。築堤濱海。民遷內阿。盡裁全邑。戍卒張羅。王周兩院。展復民歌。康熙元年。以邊海多寇。差科爾坤等巡勘海濱。築小堤為界。令民遷入界內。三年以海寇未息。又差伊里布再行巡勘。遷去上中下館蓬鱸六都。僅存蘇瀛一部。五年遷去。全縣畢裁。設墩臺戍卒守之。七年巡撫王來任總督周有德繪圖奏復。

課五 位置

澄邑轄地。潮郡東南。依山瀕海。位置可探。

卑窪地勢。韓江下流。藩屏嶺表。門戶潮州。

課六 星野

粵入牛度。分邑及澄。牽牛之分。星野可明。莫謂彈丸。莫關天象。考驗古今。彰彰可見。

(地理志)粵屬牛女分野澄為牽牛之分。

課七 疆界

三嶼東界。菴埠西環。放鷄南限。隆眼北關。袤八十五里。數班班。廣里三十。是其區寰。

東至海岸十五里。至海面饒平三嶼界六十餘里。西至海陽菴埠。

界十五里，南至海岸三十里，至海面潮陽放雞山界四十里，北至饒平隆眼城都界四十里，廣三十里，袤八十五里。

課八 統轄

按澄境土。兩分其鄉。上中下蘇。懷德其方。延德西南。鮑蓬鱷是。統計七都。我澄轄地。

課九 形勢

東環大海。西瞰田寮。砂富前護。洋隴後超。澳山左峙。馬耳南朝。南北水繞。形勝堪描。

(周行建置圖序) 東至大海，西瞰田寮，龍田前襟，外砂富砂諸村。

後帶南洋東隴諸堡，北有蓮花峰為之肩背，南有馬耳澳為之屏翰，南澳諸山峙其左，華富諸山峙其右，南北二水之分流，萊蕪侍郎之鼎峙，實為濱海勝地。

課十 氣候

陰少陽盛。寒燠不時。生物常早。肅物常遲。更有鳴洋。時或震動。西雨東風。証驗不隱。

盛陽之地，陰氣不凝，王天性云：生物常早，如正月桃李華，二月螻蛄鳴，蚯蚓出，王瓜生，苦菜秀之類，然生而不力，氣太宣泄也。肅物常遲，如十月禾乃登，水始涸，蟄蟲坏戶，草木黃落之類，然肅而不嚴，氣不收敛也。又海中有鳴洋，時或震動，如雷鳴，鳴東則風鳴西。

則雨息則霽，海人常以爲驗。

課十一 風俗

冠婚喪祭。五禮克遵。奢華俗尙。淫靡風存。
鬼巫是信。演劇爭繁。時開鬪鬩。古道難言。

冠婚喪祭，故家右族，遵用文公家禮。又邑俗尙鬼喜淫祀。

課十二 都鄙

十九十七。村住下中。十一上外。四九蘇充。
廿八廿二。惟鮑及蓬。鰲浦十五。版圖可通。

（下外都十九村，關望、南嶺、嶺亭、廣萊港口、仙家、信寧、崑美、外埔。

東湖、埔尾、田寮、尾埭、上埭、埭頭、尾上、窖、下窖、田中仔、冠隴、（中外都十七村）華富、峯下、內隴、北隴、官湖、下坑、上坑、石牌、斗門、山邊、東頭、石斗坑、馬頭、新溪、後溪、渡頭、仙人橋、（上外都十一村）東林、洪橋、橫隴、莊湖心、林湖心、許湖心、溝頭、南界、荊林、曲池、夏塘。

（蘇灣都四十九村）（南洋）即蓮陽（神洲）即洲仔（程洋崗）

（潛溪）即前溪頭（東前溪）（寺後）（雲溪）（管隴）（窖尾）（仙

美溪）（董坑）（梅洲）（仙門）（塘隴）（里美）（梅浦）（仙市）（海

岱）（埭頭）（岱美）計上中下（銀砂）（南砂寨）（和洲）（雲浦）

（南畔洲）（平樂埔）今廢（東里）（西隴）（水寨）（日窟）（塘西）

（樟林）（鴻溝）（鹽灶）（壇頭）（頭充）（陶峯）今廢（渡亭）（蔡厝

寮）（新寮）（陳厝洲）（溝內）（港嘴）（潮港）（盛洲）（灣輿村）

計東南北（北村）（南村）（即海後）（余厝寨）

（蓬洲都）二十八村）大牙、富砂、沈洲、東隴（廢）西隴（廢）內隴、外砂、下埔、橫窖、漁洲、蛋家園、石厝隴、鷓汀背、浮隴、東墩、吉貝隴、林鐵隴、寮塢、砂尾、西窰（廢）官埭、打鐵洲、流尾、溪東、西隴、赤窖、岐山、洋邊（鮑江都廿二村）西隴、溪東、鮑浦市、流合嶺、港尾、下底、大井、大塲、天港、箔子（廢）沙浦、蓮塘、西埕（廢）舉橙、小坑、所內、北門外、港尾、西園隴、西嶺頭、新寮、八斗北、山寮、潯泗（鮑浦十五村）園前、長橋、溝頭、月浦、上中下寨、前洋、新渡（廢）小山兜、西隴、紫服、菜園、湖頭市、水吼橋、瓦尾（廢）沙溝、山兜、厚隴（廢）

課十三 戶口

十二

地廣人衆。南北蘇區。次蓬次下。次鮑江都。鱷及上外。數莫相逾。得數最少。中外版圖。

（澄邑七都）蘇灣最廣人口一十四萬五千五百七十四，蓬洲次之，人口九萬五千四百二十，鮑江人口三萬一千五百五十，鱷浦一萬四千六百一十八，上外一萬四千四百二十四，下外八萬九千六百四十二，中外一萬一千二百五十六，全邑合計四十萬零二千四百九十二，外汕島商埠計三萬六千八百五十一，就最近調查戶口錄入。

課十四 路程

七二七十七。京師路程。千零七十。省陸南行。

千七一十。水路可明。里數六十。西北郡城。
京師七千二百七十里，南路由海豐一千零七十里，水路由梅州一千七百一十里，西北至府六十里。

課十五 官制

民國肇造。百度維新。知事蒞邑。審判治民。
分區警察。兵弁森陳。文武兼備。禁令重申。
縣舊制分三屬，蘇灣隸樟林巡檢司，上中下都隸於典史，鮑蓬鱷隸於鮑浦巡檢司。民國改元設知事於縣治，設初等審判廳於汕頭，各都分區設警察長。

課十六 吏治

行人李鳳。蒞政清平。尙靜平寇。邦奎安城。
文灣平獄。元汴諮廷。諸多循吏。藉不勝登。

明李鳳蘇灣人，授行人司正，調長樂令，蒞政公平，吏民悅之。許尙靜蘇灣人，連城知縣，有平寇功。陳邦奎湖廣蘇州知府，張猷忠寇楚，奎以書生治兵事，斬州獨安。鄭廷魁字文灣，福建按察使，平反冤獄，全活數百人，閩人頌之。謝元汴蓬州人，聞闖逆陷城，往杭歸福王，王大奇之，凡事皆諮之，其餘如李日煒、林喬松、袁濫、黃裳均稱循吏。

課十七 文人

澄地雖小。代有文人。賢書首列。品望可珍。
王彰首解。繼起謝陳。梁莊先後。鄒魯海濱。

明王彰宣德乙卯賢書第一。陳思謙嘉靖乙酉第一。康熙辛酉梁日映崇正己卯。謝宗鎰康熙辛卯。陳春英癸巳。莊論均第一人。

課十八 理學

道宗孔孟。學受良知。薛侃爲友。陽明是師。
林文踐篤。海涯名馳。仁卿理學。嶺海表儀。

林文蓬洲人。與薛侃陳明德從王陽明於虔州。受良知之學。明德與薛侃講學金山。一時學者翕然宗之。號爲海涯先生。唐仁卿字

伯元。學本二程。爲嶺海士大夫儀表。

課十九 名宦

有明草創。首仰周公。神山視事。治績尤崇。
湘潭山長。民頌其功。顧左錢魏。遠播庠風。

周行福建舉人。嘉靖四十二年。始議以關望司置縣。蔡楠福建舉人。隆慶戊辰蒞任。公廨未就。蒞事神山。士民愛戴。王岱號山長。湖南湘潭人。宰邑。抑強裁猾。釐奸剔弊。興學造士。風俗一新。顧奕潔已愛公。左承芳有惠績。錢夢松修東湖堤。民賴其功。魏仕傑多善政。以上俱祀名宦。

課二十 武功